

Bosna i Hercegovina
FEDERACIJA BOSNE I HERCEGOVINE
KANTONALNO TUŽILAŠTVO
TUZLANSKOG KANTONA
Broj: T03 0 KTK 0110961 23
Tuzla, 06.11.2023. godine

OPĆINSKOM SUDU

SREBRENİK

Na osnovu člana 45 stav 2 tačka i) i člana 241 stav 1 Zakona o krivičnom postupku FBiH, podiže se:

OPTUŽNICA

PROTIV OSUMNJEČENOG:

NERKESA OMERAGIĆA, sina Izeta, rođen 11.11.1973. godine u mjestu Berane, Crna Gora, sa prijavljenim prebivalištem u Sarajevu,

Što je:

U periodu decembar 2022. godine – april 2023. godine, na području općine Srebrenik, radeći kao komercijalista za prodaju u pravnom licu – privrednom društvu „MUREX“ d.o.o. Špionica, u sklopu kojih poslova je bio ovlašten da naplaćuje robu od kupaca, te da novac od dnevnih pazara položi u sigurnosni sef pravnog lica, s ciljem da sebi pribavi protivpravnu imovinsku korist, svjestan da prisvaja novac koji mu je povjeren na radu u institucijama u Federaciji, koji kroz zajedničku štetnu posljedicu prelazi iznos od 10.000,00 KM, što je i htio, pa je tako:

1. krajem decembra 2022. godine, od Mulaibrahimović Harisa preuzeo iznos od 4.440,00 Eura, odnosno 8.683,88 KM na ime duga Mulaibrahimović Samida za kupljenu robu po predračunu „Murex“-a broj 679/22 od 14.11.2022. godine, koji novac nije predao u blagajnu ili sef pravnog lica, već ga je prisvojio za sebe,
2. dana 13.04.2023. godine, novac naplaćen na ime dnevnog pazara u ukupnom iznosu od 5.650,69 KM nije položio u sef pravnog lica, već ga je prisvojio za sebe,

pribavivši na taj način za sebe protivpravnu imovinsku korist u ukupnom iznosu od 14.334,57 KM,

dakle, s ciljem da sebi pribavi protivpravnu imovinsku korist prisvojio novac koji mu je povjeren na radu u institucijama u Federaciji, a pribavljena imovinska korist prelazi 10.000 KM,

čime je počinio produženo krivično djelo – Pronevjera u službi – iz čl. 384. st. 2. u vezi sa stavom 1. KZ FBiH.